

# Li Ciurràti di la Mèrrula



## Li Ciurràti imprestaticci

L'ultimi tre dì di lu mesi di **Ghjinnaghju**, la dì **29**, la dì **30** e la dì **31** sò chissi undi v'à più fritu di tuttu l'annu, e venini chjamati in italianu "*Li Ciurràti di la Mèrrula*".

### **Ma palchì sò chjamati cussì?**

La storia più mintuata è chissa chi conta di una mèrrula di culóri canu chi pa' chisti tre dì s'è ammiriacata in un fumaiólu pa' galdassi da lu fritu, acchjarendisi sólu la prima dì di Friàgghju, tutta niédhha pa' lu zinziédhdu.

In Saldigna v'è puru un'alta storia, una leggenda di un pasturedhdu chi, in un annu di 'arru undi no v'era fritu abbeddhu, invece di ringrazià la bona sólti e lu mesi di Ghjinnaghju pa' aé autu un pàsculu bonu, s'éra 'antatu e aia presu in ghjiru lu mesi palchì, sèndi ghjà la dì 29, pinsàa ch'era cumpritu. Prima era avveru cussì: lu mesi di Ghjinnaghju cumprìa la dì 29.

Ghjinnaghju offésu e attidiatu, dummandesi a Friàgghju 2 ciurràti a imprestu pa' casticà lu pasturedhdu. Friàgghju, chi a li tempi aia 30 dì, vi li desi e Ghjinnaghju, cu' li 2 ciurràti a imprestu, pultesi fritu, nii e fesi andà mali tuttu lu fiòttulu di li pécuri sói. Solu una pécura riscisi a campassi, palchì s'éra ammiriacàta suttu a un pagghjólu, una padeddha manna di ràmu pa' fà lu casgiu. Li 2 ciurràti no sò mai stati turrati a Friàgghju, e da la 'òlta, iddhu à 28 dì e Ghjinnaghju n'à mantesu 31.

**In Saldigna, li Ciurràti di la Mèrrula sò cunnotti com'e:**

**"Li Ciurràti imprestaticci" o "Li Ciurràti a imprestu".**